

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 33. i 45. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona”, broj: 3/19), na prijedlog Ministarstva zdravstva, Vlada Zeničko-dobojskog kantona, na 28. sjednici, održanoj dana 08.11.2019. godine **d o n o s i**

ZAKLJUČAK

o usvajanju Izmjena Programa utroška sredstava planiranih u Budžetu Zeničko-dobojskog kantona za 2019. godinu na poziciji „Tekući transferi drugim nivoima vlasti i drugi tekući rashodi Ministarstva zdravstva“

I.

U Programu utroška sredstava planiranih u Budžetu Zeničko-dobojskog kantona za 2019. godinu na poziciji „Tekući transferi drugim nivoima vlasti i drugi tekući rashodi Ministarstva zdravstva“, broj: 02-14-8900/19 od 24.05.2019. godine (u daljem tekstu: Program), tačka 1.6. Programa koja glasi „Tekući transfer za Kantonalnu bolnicu Zenica (ekonomski kod 614100, subanalitika LAX 010 - planirani iznos 1.150.000,00 KM)“ briše se i glasi

„1.6. Tekući transfer za Kantonalnu bolnicu Zenica (ekonomski kod 614100, subanalitika LAX010-planirani iznos 1. 150.000,00 KM)

Vlada Kantona je Zaključkom o usvajanju Programa utroška sredstava planiranih u Budžetu Zeničko-dobojskog kantona za 2019. godinu na poziciji Tekući transferi i drugi tekući rashodi Ministarstva zdravstva“, broj: 02-14-8900/19 od 24.05.2019. godine usvojila plan utroška sredstava po osnovu „Tekućeg transfera za Kantonalnu bolnicu Zenica“, kojim je planiran utrošak sredstava u iznosu od 950.000,00 KM po osnovu pokriće dijela troškova tekućeg održavanja opreme i informacionih sistema koje će ova zdravstvena ustanova imati u 2019. godini i 200.000,00 KM za plaćanje PDV-a za realizaciju projekta „Poboljšanje energetske efikasnosti u JU Kantonalna bolnica Zenica“.

Skupština Zeničko-dobojskog kantona je donijela Odluku o prihvatanju supsidijarnog zaduženja Zeničko-dobojskog kantona, po osnovu Ugovora o zajmu između Bosne i Hercegovine i Evropske banke za obnovu i razvoj (EBRD) u svrhu realizacije projekta „Poboljšanje energetske efikasnosti u JU Kantonalna bolnica Zenica („Službene novine Zeničko-dobojskog kantona“, broj: 8/18) u iznosu od 10 miliona EUR-a.

Prema osnovnim uvjetima Ugovora o zajmu, Evropska banka za obnovu i razvoj ne finasira troškove PDV-a, te je neophodno za ove namjene obezbijediti sredstva u Budžetu Zeničko-dobojskog kantona.

Realizacije projekta „Poboljšanje energetske efikasnosti u JU Kantonalna bolnica Zenica“ nije počela u 2019. godini. Na zahtjev JU Kantonalna bolnica, iznos od 200.000,00 KM koji je planiran za plaćanje PDV-a po projektu preusmjerava se u pokriće troškova tekućeg održavanja ove zdravstvene ustanove.

Pored navedenog, u toku 2019. godine isteklo je važenje Ugovora za usluge tekućeg održavanja medicinske opreme proizvođača Fresenius, a kod novog ugovaranja su ostvarene niže cijene (redni broj 8. tabelarnog pregleda), a sa dobavljačem „Eurolifting“ d.o.o. Zenica i Wizard Healh“ d.o.o. Mostar nisu potpisani novi ugovori za pružanje usluga (redni broj 12. i 14. tabelarnog pregleda). U cilju ostvarenja većeg stepena izvršenja budžetom planiranih sredstava izvršene su izmjene u

programu, odnosno uštede u planiranim sredstvima preusmjerene na pokriće drugih troškova tekućeg održavanja u JU Kantonalna bolnica Zenica.

U sljedećoj tabeli dat je pregled planiranih sredstava za pokriće troškova tekućeg održavanja medicinske i nemedicinske opreme, kao i informacionih sistema sa planiranim godišnjim iznosima sredstava neophodnim za realizaciju ugovorenih obaveza sa uporednim pregledom planiranih sredstava usvojenih Zaključkom Vlade Kantona, broj: 02-14-8900/19 od 24.05.2019. godine:

Red. br.	Naziv dobavljača	Svrha	Iznos po Programu	Iznos po izmjenjenom Programu
1.	„Siemens medicina“ d.o.o. Sarajevo	Usluge održavanja medicinske opreme proizvođača „Siemens“u Službi za radiologiju (MR magnetom,T Somatom Definition AS 40, Axiom Iconos MD, Multix Top)	451.450,32	451.450,32
2.	„Medpoint“ d.o.o. Sarajevo	Usluge servisiranja i održavanja opreme na Odjeljenju radioterapije-linearni akcelerator Electa Compact, jednofotonski 6MV sa Electa Compact konfigurisanim stolom za terapiju	-	160.184,12
3.	„Siemens medicina“ d.o.o. Sarajevo	Usluge održavanja i servisiranja (full servis CT aparata Somatom emotion 6 RTP u Službi za onkologiju i radioterapiju)	115.830,00	115.830,00
4.	„Medit“d.o.o. Sarajevo	Usluge održavanja, servisiranja i implementacije PACS/RIS sistema	73.008,00	73.008,00
5.	„Dalia“ d.o.o. Tuzla	Usluge nabavke i održavanja softvera AFIS	66.296,88	66.296,88
6.	Verifikacioni laboratorij „Verlab“ d.o.o. Sarajevo	Verifikacija mjerila-medicinskih uređaja	-	63.728,50
7.	„Medpoint“ d.o.o. Sarajevo	Usluge održavanja i servisiranja medicinske opreme, linearnog akceleratora Compact, softverskog sistema za aparate Electa Compact	-	52.650,00
8.	„Fresenius Medical Care“	Usluge održavanja medicinske opreme proizvođača Fresenius	42.120,00	40.950,00
9.	„Wizard computers“ – „Wizard Health“ d.o.o. Mostar	Usluge održavanja transfuzijskog informacionog sistema Renovatio	22.323,60	22.323,60
10.	„Wizard computers“ – „Wizard Health“ d.o.o. Mostar	Usluge održavanja laboratorijskog informacionog sistema RGB Analysis	20.358,00	20.358,00
11.	„Medpoint“ d.o.o. Sarajevo	Održavanje gamma kamere PICKER	19.000,00	19.000,00

12.	„Wizard computers“ - Wizard Health“ d.o.o. Mostar	Usluge održanja BIS-a Modul Hemodijaliza	20.028,12	10.014,06
13.	„Wizard computers“ – „Wizard Health“ d.o.o. Mostar	Usluge održavanja RGB Analysis - Mikrobiologija	9.126,00	9.126,00
14.	„Euro Lifting“ d.o.o. Zenica	Održavanje liftovskih postrojenja	14.180,64	10.645,38
15.		Ostali izdaci za tekuće održavanje	96.278,44	35.150,16
	UKUPNO		950.000,00	1.150.000,00

Pod redbnim brojem 15. tabelarnog pregleda planirana su sredstva u iznosu od 35.150,16 KM koja se odnose na pokriće troškova tekućeg održavanja za hitne i nepredviđene izdatke nastale u 2019. godini.

Kriteriji za raspodjelu sredstava

Na prijedlog Ministarstva zdravstva, a po zahtjevu JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona.

Sredstva će se transferisati na račun JU Kantonalna bolnica Zenica, na osnovu pojedinačnih odluka Vlade Kantona o odobravanju sredstava, kojim će biti preciziran način i dinamika transferisanje sredstava.

JU Kantonalna bolnica Zenica obavezna je Ministarstvu zdravstva dostaviti dokaze o izmirenju obaveza dobavljaču“.

II.

Za realizaciju ovog zaključka zadužuju se Ministarstvo zdravstva i Ministarstvo finansija, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/19
Datum, 08.11.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.